

# Controlnan cu no por haya ningun caminda na Aruba

E dianan aki e dolor cu hopi hende ta hayando riba nos isla ta e dolor di e malesa cu yama **"Seguritis"**.

Companianan di aseguro ta subi premie di aseguro manera nan ta haya ta bon, a pesar cu gobierno ta contra, pero no tin un gobernante pa pone pia abao y bisa: **"Stop sino fono"**.

Awor ta hendenan cu tin seguro medico ta sufriendo di e malesa aki y diripiente a bin tende cu aseguro ta subi cu 15 %.

Nan a gaña wowo di clientenan cu un asina yama mihor beneficio, sinembargo, pa esaki mester aumenta e premie pa cubri.

Kico nos ta hayando riba e isla aki ?

Shon Chichi ta bira malo. E ta asegura ya cu su esposo tin seguro medico pa henter familia.

Pero..... Shon Chichi no por bay docter..... Pakico ?

Pasobra Shon Chichi mester paga docter pa consulta, y despues paga remedinan di botica, y tur esaki cu un aseguro den saco cu e no por usa.

Aruba tin centenares di Shon Chichi cu no tin placa na momento di bira malo pa por paga docter y remedi a pesar di tin seguro pa cubri tur cos.

Na Aruba lo usa e frase di custumber: **"Laga Shon Chichi muri numa, seguro a gana toch tanto aña riba su cabez caba"**.

E excusa cu sa tende ta: **"Hopi hende ta abusa, keha malo y busca remedi pa tanta, ruman, mama, primo y bisiaña."**

Si ta asina, anto ta e docter su culpa, pasobra si Shon Chichi a bay docter pa dolor di cabez, ta remedi pa dolor di cabez docter mester duna, y no yodium pa un rasca na lomba, un verband pa pia cu a verzwik, ni patch contra humamento.

Seguro su trabao e ora ta pa find out cerca e docter pakico Shon Chichi a bay docter, y no bin sconde tras di hopi hende cu ta abusa.

E otro efecto di **"Seguritis"** ta, cu si bo paga docter mes y paga bo botica, ta dura por lo menos seis luna prome cu bo haya bo placa, y cu suerte no tin un mensahe acerca di cu **"esaki no ta cubri"**.

Kende ta controla e aumentonan di premie aki ?

Ningun hende, ningun gobernante, ningun parlamentario, ningun politico, ningun departamento, pasobra parce cu tur tin miedo di companianan di aseguro cu tin record di **"Nunca ta perde!"**.

basta dia mi ta mira propaganda di un casino cu ta promove careda di cabay y cu nan si no ta cobra 5 % adicional.

E asina yama Sportbook betting.

Naturalmente e casino no ta cobra e 5 % adicional, pasobra nan NO TIN vergunning pa e caredanan di cabay aki tampoco, y aki atrobe no tin control riba esaki.

Tin un casino cu a keda remodela y cu dentro di poco mi ta mira yen di Arubiano gordo bay cas.

E casino aki kier **"streamline"** su personal.

Nan kier **"Good bodies"** pa tanto homber como muher, y tambe **"Nice and beautiful faces youthful look"**.

Esaki kiermeen cu tur e cabayeronan y damanan den casino, kendenan ta poco yena, por cuminsa empaqueta di awor, pasobra shon na Chicago cu no conoce e casino mes, ta kita nan.

No tin un control riba esaki ningun caminda...

Shon na Chicago ?..... Naturalmente,.... pasobra e ta doño pero ta un biaha el a bin Aruba keda den otro hotel algun dia, pasa un dia pa un ratico na **"e casino di dje"** duna Papicho un hala di palabra malo....

sali bay... y nunca mas a bolbe.

Papicho..... Naturalmente!

Papicho ta haci y deshaci pero ni werkvergunning ni vergunning pa residencia aki e no tin tampoco.... pero naturalmente e tin su **"locals"** pa sconde tras di nan lomba ora ta combini.

Unda control a keda anto ? ..... No por tin control si den e casonan aki atrobe ta haya e dialogo cu ta termina cu **"Kani mi pa mi kani bo"**...

Cual gobernante ta bay kima su interes bancario of interes personal ? No por kita e gorditonan y gorditanan ?

Naturalmente no por si no tin un bon motibo, pero den e tipo di negoshinan aki **"nan ta keda pest bo y pest bo"** te dia bo man sali di lugar y pa casualidad termina riba un cachete, of te dia cu bo lenga slip di mas y e lora un **"Kooiman y bohama"**.

E ora ey si bo a agredi hefe of doño, of bo a falta respet, of bo ta haya abogado cu e **"acostumbrado carta di INSUBORDINATION"**. .... Tin varios caso na caminda, mi ta mira nan caba y e palabra clave ta: **INSUBORDINATION**.

Pero si e casonan cu ta bin, tuma lugar, ta hopi puyito lo sali for di e macuto cu nan **"piep piep piep piep"**.

Juby

## EMPLEADONAN GORDO TA BAY AFO

Otro control cu no tin tampoco ta riba movecionnan den casino. Pa

# SEAPORT MARKETPLACE

TA GRADICI  
PERSONAL DI POLIS Y BRANDWEER  
PA E SERVICIO EXCEPTIONAL  
DURANTE CANDELA DIALUNA  
MARDUGA NA

**SEAPORT**  
MARKETPLACE